

**Aningaasaqarnikkut ingerlatsineq pillugu nalunaarut 2016 - Napatitsinissamut siuariartortitsinissamullu pilersaarut.**

(Aningaasaqarnermut Aatsitassanullu Naalakkersuisoq)

Ukioq manna Aningaasaqarnikkut ingerlatsineq pillugu nalunaarut atuarakku utersartoorpunga. Oqaatsit atorineqartut allaalarput, kisiannili nalunaarutigineqartut ukiuni arfineq-marlunni arfineq-pingasuni kingullerni nalunaarutigineqartunit allaangaanngillat. Ajunngikkaluarpoq. Maluginiagassaavoq tamatta isumaqatigissutigisinnaagatsigu iluarsaaqqinnerit pisariaqarmata aamma iluarsaaqqinnissat siunertaat isumaqatigiissutigineqarmata.

Taamaannerani aamma eqqartortariaqarpagut allannguiniarnerni tamani aalajangiiniarnerni toqqagassaasut.

Aningaasaqarnermut naalakkersuisoq qanittukkut nalunaaruteqarpoq ikinnerussuteqartut iluarseeqqiniarnernut imminnut sunniuteqartunut allanullu iluaqutaasussanut akerliunermikkut iluarseeqqinniarnernut kigallassaasut. Isumaqarpunga aalajangiiniarnerni toqqagassanut pinngitsoornatik iluarsaaqqinnernut malittaasartunut nassuiaanerusoq ikkappallaaluatsiartog.

Iluarsaaqqinneq tassaavoq piusunik allanngortitsineq. Aaqqissuussaanitsinnik iluarseeqqinnerit pisariaqartipparput, inuiaqatigiittut aaqqissuussaanitsigut tunngaviusumik allannguiviusoq. Ukiuni tulluuttuni sulisoqarnikkut, inuussutissarsiutitigut, inoqarfinni najugaqartarnitsigut, najugaqariaatsitsigut akileraariaasitsigullu allannguisariaqarpugut. Tamanna tunuliaqutarigaanni iluarsartuusseqqinnissamut akerliusoqarpiannngilaq. Inuit paasisimarpasippaat aallannguisariaqarnerup pisariaqarnera tamannalu tapersensorpaat. Iluarsartuusseqqinnissanut isornartorsiutaasimasut isumaga naapertorlugu suliniaqatigiiffit ilisimasartik suliamullu qaammaasaqarnertik tunngavigalugu isorinni ssutaasimapput – akissutaasut saqqummerput inatsisilioriaatsitsinni tusarniaanerumut ileqqusut aqqutigalugit.

Taamaattumik isornartorsiorneqarneq quianaagiummiinnarnagu oqalliffimmik pilersitsisariaqarput, tassanilu ammasumik oqallisigalugit iluarsartuusseqqinnissat immikkuualuttui ernummatigisavut. Taamaattumik nuannaarutigisariaqarparput iluarsartuusseqqinnissamik pisariaqartitsinerup amerlaqisunit isumaqatigiissutaanera – naak iluarsartuusseqqinnerit inuiaqatigiit aaqqissuussaaneranut tunngaviusumik sunniuteqartussaagaluartut.

**Naaja H. Nathanielsen  
Attaviitsoq**

**Nalunaarummut apeqquteqaatit**

Oqaaseqaatip sinnerani Aningaasaqarnikkut ingerlatsineq pillugu nalunaarutip immikkuualuttuinut oqaaseqaateqassanga. Aperisassaanga assigiinngitsunik, taakkulu Naalakkersuisut akisassagaat neriuutigaara, ukuuppullu:

Naalakkersuisut nunatta unammisinaanera pitsanngorsarniarpaat. Tamanna pissaaq suliffeqarfiit akilaarutigisartagaata appartinneratigut pisortanilu suliffeqarfiit akissarsianut aningaasartuutigisaannut qaffatsaaliuinikkut. Naalakkersuisut tigussaasumik iliuusissat suut unamillernerulernissamut iluaqutaasussat piareersimasuutigaat?

Pisortani aningaasarsiarittakkat unikaallaqqanissaanik kissaataasoq itisilerlugu nassuiaqqunarpoq. Naalakkersuisut nalunaarutigaat taamatut naalakkersuisnikkut angusaqarniarneq suliffissaaleqinermik akiuiniarnermut ilaasoq. Taamanneranili aamma nalunaarummi aamma atuarneqarsinnaavoq ajornartorsiutaasoq perorsaasut akissarsiaat appasippallaarnerat tamannalu aaqqittariaqartoq. Pisortani atorfeqartut arlallit aamma taamak inissisimapput soorlu isumaginninnermik siunnersortit aamma taama inissisimasut. Suliat sorliit akissarsiatigut uninngatinniagassatut eqqugaasussaangitsut naalakkersuisut isumaqarfigaat?

Naalakkersuisut naqissuserpaat taamaallaat aningaasaliisoqartassasoq imminut akilersinnaasuni. Taamaattumik soqutiginaratorujussuuvoq paasissallugu mittarfissanut aningaasaliinissanut pilersaarutit tusarfiginerussallugit. Immikkut ittumik akissutissarsiffigerusuppakka akiitsunik aningaasaliinermullu periusissami naammassisassatut piunasaqaatinik naammassinninngitsut sanaartugassat qanoq iliuuseqarfiginiarneqarnersut. Suliniutit sorliit pineqarpat, taakkulu aningaasalersorneqarnissaat qanoq aaqqiivigineqarniarpat?

Ernumanarpoq Namminersorlutik Oqartussat Kommunillu immikkoortortanut pilersaarutitut suliaminnik aallartilaaginnarsimammata. Nalunaarummi allaqqavoq immikkoortortanut pilersaarutit ilaat suli aallartinneqarsimanngitsut! Immikkoortortanut pilersaarutit sanaartornermut pingaaruteqaqimmata itisilersortikkusuppara suliaq qaqugu naammassineqassanersoq kinguaattornerluunniit utaqqimaassaneripput?

**Naaja H. Nathanielsen  
Attaviitsoq**

**Napatitsinermut siuariartortitsinissamullu pilersaarut**

Nassuerutigissavara Napatitsinermut siuariartortitsinissamullu pilersaarutip utaqqisaaq isup tupaallatseqqalaarmanga. Eqqarsaatiga siulleg tassaavoq pilersaarut tassaaginnartoq ukiuni arfineq marlunni kingullerni periusissanik naalackersuinikkullu anguniakkanik allaaserineqarsimasunik katiteriinnarneq. Taamaattumik eqqumiigeqaara sooq taama sivisutigisumik inaarniarneqarsimammat. Massakkullu tassa takkuppoq kingunerisaanillu periusissat tallimat iluarsartuusseqqinnissamilu aqqutissat sisamat nassuiaateqarfigineri apeqqutissaqarfigaakka:

Siullertut eqqumiiginartippara Pijujuartitsineq atatitsisutut siullertut taaneqarsimammat. Naalackersuisummi tamanna tunngavigisaq inuussutissarsiutitsinni pingarnerpaami unioqqutittuarsimavaat. Sulisoqarsinnaanera mianersortussaannermit pijujuartitsinermillu tunngavigisaqarnermit pingarnerutinneqartuaannarsimavoq. Naalackersuisut aalisarnermik inuussutissarsiuteqarnermi allannguiniarpat imaluunni pisarnertik ingerlantiinnarniarpaat?

Eqeersimaarfiusoq alla tassaavoq niuerniarterni periutsit. Tupaallatsittuarpaangga suliffeqarfiit aalajangersimasut suliakkerneqartarmata sulisussarsiuussisarneq avaqqullugu. Uffa Naalackersuisut nammineq oqartartut taamak iliuuseqarneq EU-p uagutsinnut piumasqaataanut uniuuttuusut. Suliassat tassaapput inatsisilerituunnik suliaqartitsinerit, mittarfiliortitsinernut atatillugu suliniutit assigiinngitsut, suliakkiissutigineqartut suliariumannittussarsiuusseqartinnguarnagu.

Qaqugu Naalackersuisut suliakkiissutit angisuut tamakku sularinnittussarsiuussinertigut aaqqiivigisalissavaat suliallu aamma taamaattut pisiniarnermi periutsinut aamma ilanngullugit? Naalackersuisummi allapput EU-mut pingaaruteqartoq naligiimmik periarfissiineq. Massakut pissutsit taamatut ingerlatsinermut naleqqutinngillat.

Naalackersuisut sulinermi akileraarutitigut ilanngaatisamik pilersaarummik suliamik eqqartuipput. Akileraarutitigut ilanngaataasusaaq atuutilivinneqaruni SIK-mi isumaqatigiissutaasut malillugit akissarsialinnut qaammammut 1000 koruuninik isertitatigut iluaqusiisussaassaaq. Taamatut isertitaqartunut akileraarutitigut iluaqusiisoqassaaq 10 procentimik naleqartumik. Sulisoqatigiinnummi SIK-uup isumaqatigiissutaanik amerlanerusunik isertitaqartunut qanoq pisoqassava? Sulinermi akileraarutitigut ilanngaatisamik assingusumik iluaquserneqassappat? Imaluunniit akileraarutitigut ilanngaatisamik isertitaqassuseq naapertorlugu assigiinngiaarisitsisoqassava? Taamaalillunilu isertitakinnerit sallertut iluaquserneqassallutik?

**Naaja H. Nathanielsen  
Attaviitsoq**

Apeqqtissara kingulleq tassaavoq attaveqaqatigiinnikkut unammillertitsilerneq, inatsisartut uani katersuunneranni oqallisaangaatsiartoq. Telestyrelsemit nalunaarusiamik suliaqartitsisoqarsimavoq, tasanilu ersersarniarneqarsimapput unammillertitsilernerup inuiaqatigiinnut aningaasaqarnikkut kingunissai. Nalunaarusiami allaqqavoq Naalakkersuisut suliaqartitsisoqarsimavoq. Taamaakkaluartorli oqallisigisaq 119 inatsisartuni oqallisigigatsigu Naalakkersuisut siulittaasuata uteqattaarpaa suliaq Naalakkersuisunit imissutigineqarsimanngitsoq, taamaattumillu Naalakkersuisunit isummerfigineqarsimanngitsoq. Eqqortoq tassumunnga sumiissimaqinerpoq?

Tassa apeqqtissakka oqaasissakkalu 2016-imut Aningaasaqarnikkut ingerlatsineq pillugu nalunaarusiamut aamma Napatitsinermut siuariartortitsinissamullu pilersaarummut utaqqisaasimaqisumut. Apeqquteqaatinnut akissutissat soqutiginarluinnarput. Tassami nalunaarusiami oqaaserisaniit piviusumik tigussaasunngortitsinermi aningaasaqarnermi ingerlatsineq aatsaat uppersaaserneqartussa.